



Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.1. Eos qui præfestinè altiora illa affectant, ad id plerumque occultâ superbia duci.

[urn:nbn:de:hbz:466:1-47123](#)

tabula, aut (quod huic loco magis convenit) à ferro seu scalpro abstineat; sed attentā Christi crucifixi contemplatione, ad ejus foemam & imaginem sese componat perficiatque: ne si fortè nondum satis instructus virtutibus, aut in perfectæ abnegationis studio minus exercitatus, ad altiora aspiraverit, multis ac gravibus in via spiritus obnoxius sit periculis. quam rem (uti momenti permagni est in proposito) proximo capite aliquanto impensis pertractabimus.

C A P U T III.

Rem esse periculi plenissimam, præproperè
omisso Christum crucifixum imitandi studio,
sublimiores & insolitas divinæ con-
templationis vias affectare.

EQuidem hac in re triplex potissimum, & undequaq; gra-
ve, periculum deprehendo: primum, ab occulta super-
bia; alterum, ab amore proprio spirituali; postremum,
à solidarum virtutum inopia atque vacuitate: de quorum,
singulis ordine suo differendum est.

§. I.

*Eos qui prefestinè altiora illa affectant, ad id plerumque oc-
cultâ superbiâ duci.*

PRimum igitur hoc loco satisque obvium periculum esse
potest ab occulta superbia; dum quis aliquantum pro-
gressus in via spiritus, & à noxibus consuetis se abstinenſ, for-
tassis etiam (ut fieri amat sub initia) nonnullis divinis ille-
cebris, solariisque celestibus laetatus, eò confestim ad abs-
trusiores & paucis cognitas contemplandi vias aspirat, quòd
perfustum se jam existimet, dignumque quem Deus magis
inti-

intimâ dignetur familiaritate: certè tritas illas meditandi atque operosiùs discurrendi rationes, omnémque adeò circa Christi vitam & cruciatus occupationem, minus jam sibi convenire; quod cæ artes tyronum propria atque incipientium sint, ultra quos ipse jam evaserit, summis propior effectus,

Quam ego occultam superbiam appello, quod eum, qui eo teneatur morbo, ipsa lateat; cum interim aperita sit per se, & manifestum indicium, hominem, non (uti sibi blandè persuadet) ad perfectionem pervenisse, sed magnis adhuc animæ morbis, & (ut cum antiquo quodam hoc dicam) intercutibus vitijs, laborare.

Proprium quippe perfectorum est, ut (quod speciatim de S. Francisco legimus) humilitatis amore, sese in imperfectis, immo in numero peccatorum habeant, seseque indigos acceptis jam Dei donis existiment; multò minus utara, insveta, & paucissimis concessa affectent. Memirent etenim præcepti Magistri nostri, quo invitati ad nuptias, consistere monemur in loco novissimo, dum superius jubeamur ascendere. Sciant, sanctæ humilitatis ac demissionis studium, quovis eventu atque occasione, Deo semper esse placitum, & securam ad Deum arque divina viam munire: vias autem illas retrusores, quæ sublimiores ac diviniores videantur, plerumque incertas, saepe etiam granibus periculis oportunas esse, nec raro (quod nunc contendimus) occultæ superbiae, & amori proprio subtilissimo, materiam ac pabulum præbere. Proinde salubriter hic præcipere S. Bernardum: Oportet namque humilier serv. 34. tire de se nitentem ad altiora, ne dum supra se attollitur, cadat in Cant. a se, nisi in se firmiter per veram humilitatem fuerit solidatus.

Quibus affinia sunt illa sapientia verba apud Henricum Sonem: Nemo potest ad divinitatis meæ celitudinem atque ad Dial. c. 2. insolitam pertingere suavitatem, nisi antè per humanitatem mea duca-

ducatur amaritudinem. Nam quod quispiam sine hac altius ascendere nititur, eò profundius prolabetur. Et illa Abbatis Blosij: *Frustra sanè asceta aspirat ad mysticam germanamque contemplationem, si se exercere non vult in meditatione passionis Dominicæ, ac verâ humilitate. Nam nisi illam pro fundamento habeat, quod per contemplationem altius ascendere pertinaverit, eò profundius corruet.* Sic illi.

Ex quibus apparet, quanti ea res sit periculi; eoque studiosius esse cavendam, quod facilius incautis potest obrepere.

Neque enim, ut indicabamus, quidquam est factu proclivius, quam ut ijs, qui jam non nihil in via spirituali processerint, aut sensum aliquem rerum divinarum acceperint, imponat blanda persuasio, ut contrà quam de se sentiebat Apostolus, arbitrentur se jam comprehendisse, aut perfectos esse. Nam, ut sapienter admonet S. Gregorius: *Plerumque in eo quisque conversus labitur, quod dum quibusdam donis gratiae, dulcedine inchoationis, excipitur, consummationem accepisse se perfectionis arbitratur; & plenitudinis consummationem estimat, quæ adhuc blandimenta esse inchoationis ignorat.* Atqui oppositâ, me autore, viâ procedet, quisquis periculi securus esse voluerit.

Rara enim avis est in terris, rarus (mihi erede) homo perfectus: rarus, qui seipsum non omni duntaxat carnali aut terreno affectu, sed omni etiam (uti loquuntur) sui proprietate exit; qui mundo mortuus, mundo crucifixus, & cum Christo cruci confixus sit; qui demum ad eam mentis & corporis puritatem pervenerit, ut non indecorè ad oris divini osculum, & intimos illos aspirare possit amplexus. Quanquam neque qui hujusmodi sit, continuo aut sponte sua, in arcanum Regis cœlestis cubiculum irruet, sed indignum sese omni Dei domo sentiens, foris stabit verecundè excubans, expectansque, si quando jubeatur ad interiora succe-

*Inst. spir.
cap. 6.*

Philipp. 3.

*L. 24. Mor.
cap. 13.*

succedere. Eò quippe quisque humilior est, quo sanctior: & potius eligit securā humilitate Deo placere, quam vel temerariā curiositate, vel periculosā familiaritate, ad eum propius accedere.

Atende hīc Sponsae verecundiam: *Introduxit me Rex Cant. 1:1
(inquit) in cellam vinariam.* Non audet sponsa, nisi ipso &c. 2. Rege ac Sponso introducente, intrare in cellam vinariam, in secretas charitatis apothecas; & tu in illas invocatus te ingeres, & promptuariā divinæ dulcedinis, paucis & intimes familiarium reposita ac reservata, perrumpes? Singulareissimum Dei donum est, arcana ac pura Dei contemplatio; neque humano studio, diligentia, industriā (etiam cum consuetis divinæ gratiæ subsidijs) parari solet; sed Dei liberalitate & favore extraordinario, & paucis omnino, conceditur. Proindeque hoc ipsum argumentum tractans S. Bernardus, aliique Patres relati à P. Thoma à Iesu in operi de contemplatione divina, rectissimè admonent: neque omnes qui perfecti sint, ad sublimem illam divinæ contemplationis formam locari; neque hoc ipso quod ad illam, quisquam elevetur & admittitur, hoc ipso, inquam, censendum esse perfectum. Indicatque itidem S. Teresia subinde ad specialem Dei familiaritatem vocari animam nondum *In vita sua cap. 22:0* virtute perfectam. Id ita agente paternâ videlicet Dei prouidentiâ; ut & se Dominum donorum suorum ostendat; & si qui jam perfecti videntur, in Dei donis non extollantur, nec ea attribuant suis meritis: quippe quæ videant, aut alijs dignioribus negari, aut etiam minus dignis concedi. Et qui mirūs perfectos se sentiunt, dum se donis acceptis omnino indignos agnoscunt, hoc securius se in sancta humilitate contineant, & ad sincerum ac purum munificentissimi largitoris amore magis accendantur. Ita in utrisque conservatur sanctæ humilitatis studium, sine quo esset inutile, imò perniciosa, quantumvis sublimis Dei contemplatio.

Ex

RON

Ex his autem & illud ulterius conficitur, quod & per se plurimum interest, & apprimè facit ad rem præsentem: perfectionem vita spiritualis in sublimi illa Dei contemplatione non consistere, sed nequit illius jam acquisitæ, hoc certum pignus aut signum esse; cum, ut modò vidimus, subinde ad donum divinæ contemplationis eleventur, qui adhuc in vita spirituali imperfecti sint, idemque multis negetur, qui sint perfecti.

§. 2.

In eo negotio non raro amorem proprium, & privatam sui exquisitionem latere.

Alterum periculum est ab amore proprio spirituali. Quo nomine eum animi affectum intelligo, quo quis res etiam spirituales ac sanctas, ipsaque etiam gratiarum dona impure & inordinatè diligit, & cum proprietate possidet, non Deum in illis, seu Dei beneplacitum ac gloriam, sed seipsum, hoc est proprium suum gustum, affectum, delectationem exquires, inque eorum, licet spirituali dulcedine, sordide & intemperanter acquiescens. Quem affectum invenio à Joanne Taulero non incongruenter fornicationem spiritualem, à Lansergio autem & Blofio, gulam spiritualem appellatum. De quo etiam agens S. Catharina Senensis, amorem proprium spiritualem affirmat esse graviorem ac periculosiorem amore rerum in sensu ipsos incidentium, eumque à paucis caveri; quod magis subtilis, atque observatu difficilis sit, ut qui sub boni larva subintret, & specie virtutis ac sanctitatis decipiat. Itaque etiam Lætiensis Abbas ascetam suum studiosè admonet; ne immoderatè suavitatem spiritualem appetat, ut quae in solo Deo, non autem in donis ejus quiescat. *Siquidem (inquit) corrupta natura,* ad

*Serm. 2. de Quadragesima.
Lansp. pref.
Phar.
Blos. tab.
ffir.
Dialog. c. 1.
Pis. c. 25.
Inffit. ffir.
cap. 2.*